



ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

YEREVAN STATE UNIVERSITY

ЕРЕВАНСКИЙ ГОСУДАРСТВЕННЫЙ УНИВЕРСИТЕТ

Հրաման

Accepting person **Rector**

229/46-L

14 december, 2016

Document Status **Works**

**«ՔԱՂԱՔԱՑԻԱԿԱՆ ՊԱՇՏՊԱՆՈՒԹՅՈՒՆ ԵՎ ԱՐՏԱԿԱՐԳ ԻՐԱՎԻՃԱԿՆԵՐՈՒՄ
ԲՆԱԿՉՈՒԹՅԱՆ ԱՌԱՋԻՆ ԲՈՒԺՕԳՆՈՒԹՅՈՒՆ» ԴԱՍԸՆԹԱՑԸ ԿՐԿՆԵԼՈՒ ԵՎ
ՍՏՈՒԳԱՐՔԸ ՀԱՆՁՆԵԼՈՒ ԿԱՐԳ**

Երևանի պետական համալսարանում կազմակերպվող ուսումնական գործընթացի արդյունավետությունն ապահովելու նպատակով

հրամայում եմ.

1. Սահմանել, որ.

ա) Ուսումնական կիսամյակի ընթացքում «Քաղաքացիական պաշտպանություն և արտակարգ իրավիճակներում բնակչության առաջին բուժօգնություն» դասընթացից 50-80 տոկոս բացակայություն ունեցող ուսանողների (առկա և հեռակա ուսուցման համակարգերի) ստուգարքն ընդունվում է քննական հանձնաժողովի միջոցով:

բ) Ուսումնական կիսամյակի ընթացքում «Քաղաքացիական պաշտպանություն և արտակարգ իրավիճակներում բնակչության առաջին բուժօգնություն» դասընթացից 80 տոկոս բացակայություն ունեցող ուսանողները (առկա և հեռակա ուսուցման համակարգերի), հաջորդ ուսումնական կիսամյակում վճարովի հիմունքներով (վճարումը կատարվում է ըստ կրեդիտների քանակի) կրկնում են այդ դասընթացը, իսկ դասընթացի ստուգարքն ընդունվում է հանձնաժողովի կողմից: Ուսանողի կողմից դասընթացը կրկնելու դեպքում վճարումները կատարվում են կիսամյակը սկսվելուց հետո երկու շաբաթվա ընթացքում:

գ) Դասընթացը կրկնելու թույլտվություն ստացած, բայց չմասնակցած ուսանողներին թույլատրվում է հաջորդ ուսումնական կիսամյակում վճարովի հիմունքներով կրկնել դասընթացը՝ բացառությամբ ավարտական կուրսերի ուսանողների:

դ) Լրացուցիչ դասընթացին մասնակցած, բայց ստուգարքը չհանձնած ուսանողներին կարող է տրվել վճարովի հիմունքներով վերահանձնման երկու հնարավորություն՝ ստուգարքը մինչև տվյալ ուստարվա քննաշրջանի ավարտը հանձնելու պայմանով:

ե) սույն հրամանի «գ» և «դ» կետերի պահանջները չկատարելու դեպքում ուսանողը հեռացվում է համալսարանից:

2. Սույն հրամանի մասին իրազեկել ԵՊՀ սովորողներին:

3. Սույն հրամանն ուժի մեջ է մտնում հրապարակման պահից:

Address: Republic of Armenia, Yerevan, 0025, 1 Alex Manoogian
(+37460) 710000
info@ysu.am